



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), a u skladu sa članom 93. Zakona o osnovnoj školi („Službene novine Zeničko-dobojskog kantona“, broj: 3/18) i članom 136. Zakona o srednjoj školi („Službene novine Zeničko-dobojskog kantona“, broj: 9/17), kao i Odluke o utvrđivanju standarda i kriterija Vlade Zeničko-dobojskog kantona za imenovanja/nominiranja na upražnjenu poziciju u reguliranim tijelima Zeničko-dobojskog kantona („Službene novine Zeničko-dobojskog kantona“, broj: 4/15, 7/15 i 11/16), u postupku imenovanja odnosno nominacije na upražnjene pozicije u reguliranim tijelima iz nadležnosti Ministarstva za obrazovanje, nauku, kulturu i sport Zeničko-dobojskog kantona, ministar Ministarstva objavljuje:

OGLAS
za izbor i imenovanje članova školskih odbora osnovnih i srednjih škola
na području Zeničko-dobojskog kantona

I Članovi školskog odbora:

- A. član (predstavnik osnivača) – predsjednik školskog odbora..... 1.
B. član (predstavnik lokalne zajednice) 1.
biraju se u **osnovnim školama** Zeničko-dobojskog kantona:

1. Općina Breza

1.1.	JU Osnovna škola "Safvet-beg Bašagić"	-	I-B
1.2.	JU Osnovna škola "Enver Čolaković"	I-A	I-B

2. Općina Kakanj

2.1.	JU Osnovna škola "Rešad Kadić"	-	I-B
2.2.	JU Osnovna škola "Hamdija Kreševljaković"	I-A	-

3. Općina Maglaj

3.1.	JU "Prva osnovna škola"	I-A	I-B
3.2.	JU Osnovna škola "Maglaj"	I-A	I-B

4. Općina Olovo

4.1.	JU Osnovna škola "Olovo"	I-A	-
------	--------------------------	-----	---

5. Općina Tešanj

5.1.	JU Osnovna škola "Rešad Kadić"	-	I-B
5.2.	JU Osnovna škola „I. mart“	I-A	-
5.3.	JU Osnovna škola "Kulin Ban"	I-A	I-B
5.4.	JU Osnovna škola "Gazi Ferhad-beg" Jablanica	-	I-B
5.5.	JU Osnovna škola "Mustafa Mulić" Šije	-	I-B

6. Grad Visoko

6.1.	JU Osnovna škola „Mula Mustafa Bašeskija“	I-A	-
6.2.	JU Osnovna škola "Mehmedalija Mak Dizdar"	-	I-B
6.3.	JU Škola za osnovno muzičko obrazovanje "Avdo Smajlović"	I-A	I-B

7. Općina Zavidovići

7.1.	JU Druga osnovna škola	I-A	I-B
7.2.	JU Osnovna škola „Kovači“	I-A	I-B
7.3.	JU Osnovna škola "Gostović"	I-A	I-B

8. Grad Zenica

8.1.	JU Osnovna škola "Alija Nametak"	-	I-B
8.2.	JU Osnovna škola "Enver Čolaković"	I-A	I-B
8.3.	Osnovna muzička škola	-	I-B

II Članovi školskog odbora:

A. član (predstavnik osnivača) – predsjednik školskog odbora..... 1.

B. član (predstavnik lokalne zajednice) 1.

biraju se u **srednjim školama** Zeničko - dobojskog kantona:

1. Općina Breza

1.1.	JU Mješovita srednja škola "Mehmedalija Mak Dizdar"	-	II-B
1.2.	JU Gimnazija "Muhsin Rizvić"	-	II-B

2. Općina Kakanj

2.1.	JU Gimnazija "Muhsin Rizvić"	II-A	II-B
2.2.	JU Mješovita srednja škola	-	II-B

3. Općina Maglaj

3.1.	JU Mješovita srednja škola	II-A	-
------	----------------------------	------	---

4. Općina Zavidovići

4.1.	JU Gimnazija „Rizah Odžečkić"	-	II-B
4.2.	JU Srednja tehnička škola	II-A	II-B

5. Grad Zenica

5.1.	JU Ekonomska škola	-	II-B
5.2.	JU Medicinska škola	-	II-B
5.3.	JU Tehnička škola	-	II-B
5.4.	JU Mješovita srednja industrijska škola	-	II-B

Opis pozicija

Školski odbor

Školski odbor osigurava djelotvorno i efikasno korištenje svih resursa škole i brine se o zakonitom radu škole, organa rukovođenja i stručnih organa škole.

Članovi odbora biraju se na ovaj način iz reda osnivača i lokalne zajednice u skladu sa zakonom propisanom procedurom, a po principu kvaliteta i ravnopravne zastupljenosti kandidata iz navedenih struktura. Školski odbor po svom sastavu treba, u pravilu, odražavati etnički sastav učenika i roditelja, radnika te škole i lokalne zajednice u kojoj škola djeluje, a u skladu s posljednjim objavljenim popisom stanovništva u Bosni i Hercegovini.

Obavljanje dužnosti člana odbora je dobrovoljno i bez naknade (isključuje bilo kakve dodatne troškove), na mandatni period od četiri (4) godine.

Opći uslovi za imenovanja/nominiranja

Svi kandidati za imenovanje u školske odbore (regulirana tijela), dužni su da ispunjavaju sljedeće opće uslove:

- a) da je državljanin Bosne i Hercegovine;
- b) da je stariji od osamnaest (18) godina;

- c) da nije otpušten iz državne službe kao rezultat disciplinske mjere (bilo na nivou države ili entiteta), u periodu od tri godine prije dana objavljivanja upražnjene pozicije;
- d) da se na njih ne odnosi član IX.1. Ustava Bosne i Hercegovine;
- e) da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima F BiH ("Službene novine F BiH", broj: 12/03, 34/03 i 65/13);
- f) da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine F BiH", broj: 70/08);
- g) da nema privatni i/ili finansijski interes u instituciji u kojoj se kandiduje;
- h) da nije osuđivan za krivično djelo nespojivo sa imenovanjem na dužnost u instituciji u koju se kandiduje, pet (5) godina od dana pravosnažnosti presude, isključujući vrijeme zatvorske kazne;
- i) da mu nije izrečena zaštitna mjera zabrane obavljanja aktivnosti, tri (3) godine od dana pravosnažnosti odluke o izrečenju zaštitnoj mjeri.

Posebni uslovi za imenovanja/nominiranja

- a) najmanje VI stepen stručne spreme (ili završen najmanje dodiplomski visokoškolski studij ili stručni studij na kome se stiče najmanje 180 ECTS bodova) - za člana predsjednika iz reda osnivača, odnosno VSS/VŠS, a izuzetno SSS (IV) za člana školskog odbora iz reda lokalne zajednice;
- b) najmanje tri (3) godine radnog iskustva;
- c) da nije predsjednik ili član više od jednog školskog odbora odgojno-obrazovne ustanove na području Kantona;
- d) angažovanost u radu u lokalnoj zajednici;
- e) sposobnost nepristrasnog donošenja odluka;
- f) komunikacijske i organizatorske sposobnosti;
- g) rezultati rada ostvareni tokom poslovne karijere, posebno u oblasti odgoja i obrazovanja.
- h) predstavnik osnivača ne može biti direktor škole registrovane u Kantonu niti državni službenik/namještenik Ministarstva.

Prilikom procjene posebnih uslova, kriteriji navedeni pod tačkama d) do g) izrazit će se u bodovima od 1 do 5.

Uz prijavu na Oglas, koja treba sadržavati kraću biografiju, adresu i kontakt telefon, kandidati su dužni priložiti original dokumente ili ovjerene kopije dokumenata o ispunjavanju uslova Oglasa i to:

1. izvod iz matične knjige rođenih (trajni izvod iz MKR-ih);
2. uvjerenje o državljanstvu BiH (ne starije od šest (6) mjeseci);
3. dokaz o stečenoj stručnoj spremi;
4. dokaz o radnom iskustvu;
5. dokaz da nije izrečena mjera zabrane obavljanja aktivnosti, tri (3) godine od dana pravosnažnosti odluke o izrečenju zaštitnoj mjeri izdata od nadležnog općinskog suda, prema mjestu prebivališta i ne starija od šest mjeseci;
6. dokaz da nije osuđivan za krivično djelo nespojivo sa imenovanjem na dužnost u instituciji u koju se kandiduje, pet (5) godina od dana pravosnažnosti presude, isključujući vrijeme zatvorske kazne (izdat od strane MUP-a);
7. za kandidate iz reda lokalne zajednice za osnovne škole, dostaviti potvrdu osnovne škole o prebivalištu ili boravištu na pripadajućem upisno-gravitacionom području osnovne škole (škola izdaje na osnovu CIPS-a izdatog od strane MUP-a);
8. za kandidate iz reda lokalne zajednice za srednje škole, dostaviti dokaz o prebivalištu ili boravištu na području općine/grada u kojoj se nalazi srednja škola (CIPS izdat od strane MUP-a);
9. ovjerene izjave kandidata za zahtjeve iz Općih uslova, alineje c, d, e, f, g;
10. ovjerene izjave kandidata za zahtjeve iz Posebnih uslova, alineja c, h.

Napomena:

Sve navedene lične izjave mogu biti tekstualno sadržane na jednom ovjerenom listu.

Svi kandidati koji budu stavljeni na listu užeg izbora bit će pozvani na intervju pred Komisijom za izbor na upražnjeno mjesto u školskom odboru škola Zeničko-dobojskog kantona. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima. Prilikom pozivanja kandidata na intervju, svaki kandidat koji uđe u užu izbor popuniti će obrazac neposredno prije intervjua u kojem će navesti bilo koje pitanje koje bi moglo dovesti do sukoba interesa u slučaju da dođe do njegovog imenovanja.

Lični podaci o podnosiocima prijava su tajni i mogu se prikupljati i obrađivati samo u skladu sa Zakonom o zaštiti ličnih podataka („Službeni glasnik BiH, broj: 49/06, 76/11 i 89/11).

U slučaju kada postoje dokazi da u postupku imenovanja nisu ispoštovani principi ili postupeci utvrđeni Zakonom o ministarskim, vladinim i drugim imenovanjima Federacije BiH, bilo koji kandidat ili bilo koji član javnosti može podnijeti prigovor na konačno imenovanje.

Prigovor se podnosi Ministarstvu za obrazovanje, nauku, kulturu i sport Zeničko-dobojskog kantona, a kopija se dostavlja Ombudsmenu Bosne i Hercegovine.

Oglas za podnošenje prijave ostaje otvoren 15 dana od dana objavljivanja.

Prijave sa traženom dokumentacijom treba dostaviti lično ili preporučenom poštom sa naznakom „PRIJAVA NA OGLAS – NE OTVARATI“ (navesti za koji školski odbor i koju školu se podnosi prijava) na adresu:

Zeničko-dobojski kanton
Ministarstvo za obrazovanje, nauku, kulturu i sport
Komisija za izbor školskih odbora
Kućukovići broj 2
72 000 Zenica

„Prijava na Oglas za izbor i imenovanje članova školskog odbora osnovnih i srednjih škola na području Zeničko-dobojskog kantona“

Broj: 10-34-114-1/22
Zenica, 15.02.2022. godine

Dostavljeno:
1 x Naslovu,
2 x a/a, 03


MINISTAR
Prof. dr. Spahija Kozlić



Bosna i Hercegovina, Zenica, Kućukovići br. 2
Tel: 032 460-840, fax: 460-842
e-mail min.obrazovanje@zdk.ba